

Suwat gikan Taizé

n° 274 Special Edition ^{EN}

Sa unang higayon nahitabo didto sa Berlin, ang usa sa atuang panagtigom. Ang Berlin usa ka syudad nga adunay nagkalain-lain kadaiyahan, usa ka lungsod nga naglantaw sa mga kabag-uhan sa umaabot, apan nagpuyo ug wala makalimot sa masakit niya nga kagahapon, usa ka lungsod kung diin napakita sa mga lumulupyo nga dili sila mawad-an sa kadasig bisan pa man taliwala sa kalisod. Bisan sa kagamay, ang mga Kristohanon didto naningkamot nga puy-an ang maayong balita. Adunay nagkalain-lain denominasyon apan nagkahiusa sila sa pagsaksi ug nagtinabangay alang sa kahiusahan dili tungod kay mao ni ang ilang gusto kun dili tungod kay mao kini ang labaw'ng gikinahanglan. Daghang parokya ug kongregasyon and nahimong lugar sa panaghiusa sa katawhan diin giabi-abi bisan ang mga kabos. Ang pinakauna nga pagbisita sa mga kaigsoonang taga Taizé (Taizé brothers) sa Berlin nahitabo niadtong 1955. Sa dihang gihimo ang pader sa tuig 1961, nga nagtungo sa syudad sa duha ka bahin, gidaghan sa mga kaigsoonan (Taizé brothers) ang pagbisita sa sidlakang bahin sa Berlin. Sa 1980s daghang mga grupo sa mga mag-alampo ang naporma. Niadto si Igsoong Roger sa tuig 1986 sa pagpasundayag sa usa ka "duaw sa pagsalig" (pilgrimage of trust). Gikinahanglan ang pagpangayo gikan sa mga awtoridad nga kumunista sa usa ka pagtugot aron makaselebrar sa usa ka serbisyo sa pag-ampo, nga nahitabo pagdungon sa duha ka dako nga simbahang Katoliko ug protestante, ug kini gilangkuban sa 6,000 ka mga batan-on gikan sa sidlakang bahin sa Alemanya. Gihatag ang pagtugot uban sa usa ka kundisyon nga walay motambong nga gikan sa kasadpan. Kadto nga panahon natapos na ug ang Berlin maoy nahimong simbolo para sa tanan sa tibook kalibotan nga nisulay sa pagpaningkamot nga makalukso ug makatabok sa pader sa dili pagsinabtanay aron nga mokaylap ang pagsalig sa matag-usa.

SUWAT 2012 Ngadto sa Bag-ong Panaghiusa

Para sa bag-ong pagkahiusa sa kinatibuk-ang katawhan sa pag-usbong ug pagtupong niini diha sa pamilya, komyunidad, syudad, diha sa mga nasud ug sa mga kinadak-ang mga pulo sa kalibutan – nga nagkinahanglan ug kadasig sa pagdisisyon.¹

Nasayod sa mga kakuyaw ug ang pag-antus nga nagsukod sa katawhan ug sa kalibutan, dili nato angay tagaag kahadlok ug pagbiya o pagtalaw.²

Ug labot pa ang paglaum sa katawhan nga makanunayong nahulga sa kahigawad o kahiubos. Nagkadugang ug nagkabug-at nga kalisdanan sa ekonomiya, ang matag karon ug unya nga mga komplikado sa katilingban, ug walay mahimong pag atubang sa mga kalamidad nga nagluok sa preskong paglaum.³

Aron sa pagmugna sa bag-ong hulagway sa paghiusa, niabot na ba ang panahon paghatag ug daku'ng pagpaningkamot nga makita ang tinubdan sa pagsalig?

1 Bisan pa nga ang panaghiusa sa katawhan kanunay'ng gikinahanglan, kinahanglan usab kini sa makanunayong pagbag-o ug bag-uhon gamit ang makabag-ong pamaagi. Lahi sa kaniadto, siguro karong panahuna, importante sa bag-ong henerasyon ang pag-andam-andam nga mahimong patas sa pagpaambit sa kahinguhaan sa kalibotan, usa ka mas patas nga pagbahin-bahin sa mga bahandi sa mga konteninte ug sulod sa mga kanasuran.

2 Posible ang usa ka pagpasiugda alang sa bag-ong panaghiusa. Kini gisuportahan sa usa ka pagtuo nga ang mga naagian sa kalibutan dili nahan-ay nang daan. Atong tan-awon pagbalik kining pipila ka mga panaglitan: human sa ikaduha nga giyera sa tibook kalibutan, pipila sa mga pangulong pulitikanhon ang naglaum batok sa tanang paglaum, nagtuo sa usa ka panaghiuliy sa maayong kabubot-on, ug maisugon nga nagsugod ug usa ka nagkahiusa nga Europa; Niadtong 1986 nahitabo ang usa ka malinawon nga rebusyon hinungdan nga nakab-ot ang usa ka halawom nga kalampanan ug kausaban sa Pilipinas; Didto sa Poland, ang Solidarność, usa ka bantugan nga kalihukan nag-andam ug usa ka dalan ngadto sa kagawasan sa malinawon nga paagi alang sa daghang nasud sa Europa; Ang pagkatumpag sa pader sa Berlin niadtong 1989 wala pamalandunga pipila ka mga tuig sa wala pa kini nahitabo; sa sama nga higayon, ang mga nasud sa Latin Amerika nilihok alang sa dalan sa demokrasya ug nagsugod sa usa ka wala damha nga pagpalambo sa ekonomiya diin gipangandoy niini nga ang pinakakabus makabinipisyo sa walay langan; Ang katapusan sa diskriminasyon batok sa mga puti ug negro sa habagatang bahin sa Africa ug ang matinabangong mga kamot ni Nelson Mandela nagresulta sa usa ka pagpakighiuni sa maayong kabubut-on nga labaw pa sa gipangandoy; Sa dili pa dugay, nasaksihan nato ang pagkatapos sa gubot nga pulitika didto sa amihanang bahin sa Ireland ug sa mga nasud sa Basque.

3 Ang gubot nga kausaban sa ekonomiya nagpabilin nga mga pangutana alang kanato. Ang balanse sa gahum sa mga pulitiko sa kanasuran nagbag-o. Ang walay pag-inangayay nitubo pa. And seguridad sa kagahapon nagpamatuod nga dili na ilaha karung panahuna. Pwede ba ni mahimung rason aron kapanaminan sa atong mga desisyon alang sa atong kinabuhi?

Walay si bisan kinsa nga mabuhi ug walay pagsalig, walay katilingban mabuhi nga walay pagsalig.

Kung adunay pagbudhi sa pagsalig, magbilin kini ug lawom nga samad.

Ang pagsalig dili buta nga dili matagad, dili kini sayon nga pulong. Resulta kini sa pagbansaybansay or pagpili, bunga sa kinailadman nga pakigbisog. Kada adlaw gitawag kita sa pagsalikway sa pagkabalaka sa pagsalig.

PAGSALIG DIHA SA KATAWHAN

Pag-abli sa mga pamaagi sa pagsalig dinaliang tubag sa panginahanglanon; bisan nagkasayon ang mga pamaagi sa kumyunikasyon, ang katilingban sa katawhan nagpabilin sa dili pagkahiusa ug pagkatagsa-tagsa.

Sama sa bungbong nga naghuwa dili lang kay sa mga tawo ug mga kinadak ang pulo sa kalibutan, ug lakip na ang atong kaugalingon, ug bisan ang kasingkasing sa tawo. Hunahunaa ang mga dili saktong paghukom diha sa nagkadaiyang nga nasyonalidad. Hunahunaa ang mga migrant, nga naa duol pero nagpakalayo. Mga relihiyon nga wla nagkaila ila sa usag usa, ug mga kristiyanos mismo nga nagkabahin-bahin ngadto sa nagkalain-laing tinuhuan.

Ang kalibutanhong kalinaw nagsugod sa atong kasingkasing.

Sa pagsugod sa paghiusa, magkinahanglan ta sa uban, usahay bisan sa atong kawad-on, sa pagpaminaw, sa pagsulay ug pagsabot sa tawo nga walay panghunahuna parehas sa atoa.. ug ang dili mautro nga sitwasyon pwede nga matarung.

Atong paningkamutan ug paghatag ug pagtagad ang mga huyang, ang mga nangita ug trabaho...Atong pagtagad sa mga naglisod nga makapadayag kita sa atong pagpangilabot sa pagporma ug sosyal aksyon. Sa kinaladman, usa kini ka kinaiya sa pagkabukas sa tanan: sa mga duol sa atoa, sa bisan unsang pamaagi, sa mga tawo nga nagkinahanglan nato.⁴

Sa dagway sa kawad-on ug inhustisya, ang uban maresulta sa pagrebelde ug pagbatok diha sa kasamok. Ang kasamok dili gyud pamaagi sa pagbag-o sa katilingban.⁵ Apan kinahanglan kita magpamati sa mga kabatan-onan nga nagapadayag sa ilang kapikal arun makuha ang mga unang katarongan niini.⁶

Ang puwersa ngadto sa bag-ong paghiusa mabatonan diha sa lawom nga pagtuo: Ang panginahanglanon sa pagpaambit usa niini.⁷ Usa kini sa gikinahanglan nga makapaagni sa mga nagatuo diha sa nagkalainlaing relihiyon ug sa mga nagtuo ug wala nagtuo.

4 Ang kapobrehon dili lang may labot sa atong materyal nga kinabuhi. Molangkub usab kini sa kakuwang sa atong kahigalaan, ang pagkawalay abilidad sa pagpangita sa kahulugan sa kinabuhi, walay kakuhaan ug bahandi sama niining mga balak, musika, arte – tanan nga nag abli kanato ngadto da kaanindot sa mga minugna sa Diyos.

5 Niadtong 1989 didto sa sidlakang bahin sa Alemanya, sa tungang gabii sa pagkapukan sa pader sa Berlin, ang mga tag-organisa sa mga demonstrador sa kadalanan naghangyo sa tanan nga magdala ug sinindihan nga kandila. Usa lang ka kamot ang gikinahanglan aron sa paggunit sa kandila, ug ang usa pagtabon nini arun dili mahuyop sa hangin, ug tungod niini wala silay libre nga kamot nga sarang ikahimo ug dautan.

6 "Ang mga batan-ong Espanyol nga nilangkob sa kalihukan sa kagubot sa Madrid nagsulat kanako: "Bisan unsa ang pwede nga mahitabo kung dili mamaayo ang sitwasyon. Daghang walay trabaho nga mga tawo; Nangawala ang ilang mga kabalayan lakip na ang ilang mga tawhanong katungod. Daghan ang nasuko ug naglibog tungod sa dili patas nga pagsubay sa balaod, sistema sa ekonomiya ug panaghidait, usa ka dili tinuod nga kagawasan nga walay gipasalig nga katungod isip mga lungsuranon, sama sa nahasulat sa among bataan-balaod, mahitungod sa tarung nga mga puloy-anan ug sa panglawas ug paghuna-huna nga integridad... Nangutana kamo kung unsa ang mahimo sa Taizé alang kanamo. Ang among tubag: Pwede ninyo himuon ang mga gihimo na ninyo, ipakita kanamo unsaon nga makabaton ug tunhay nga kalinaw. Gikinahanglan namo ang inyong mga pag- ampo ug ang tanang kayo nga inyong gipakita kanamo. Makatabang usab kamo aron sa pag-paambit ngadto sa ubang mga kabatan-onan nga adunay susamang kabalaka sama kanamo."

7 Ang pagsabot sama pananglitan nga ang mga nasod sa kasadpan (western countries) wala kaayo gitawag aron sa paghatag ug tabang alang sa pagpausbaw sa kaayuhan sa katawhan sa Africa aron masiguro ang hustisya sa maong kontinente.

Sama usab niini ka tinood para sa ubang nasod sama sa Haiti; ang mga tawo sa Haiti, inubanan ang grabe nga dignidad ug usa ka tinood nga pagtoo, mao usab ang usa sa pinaka inabuso ug gipakaulawan sa kasaysayan.

PAGSALIG SA GINOO

Pagkahiusa diha sa katawhan makita sa lig-ong pundasyon diha sa pagdangup ngadto sa Ginoo ug apang masukot usahay ang pagsalig sa Ginoo. Daghan nagatuo adunay negatibong kasinatian diha sa pagpanarbaho, sa pag-eskwela ug usahay diha sa tagsa-tagsa ka mga pamilya.

Adunay daghang mga tawo nga dili makatuo sa Ginoo nga naghigugma kanila. Aduna usab uban nga bisan sa ilang dakong kaligdong makapangutana: unsaon man nako pagkaila nga aduna akoy pagtuo?

Karon ang pagtuo nahimong babag, babag sa pagsalig.

Dili nagapasabot nga ang pagtuo una gayud nga nagasunod diha sa kamatuoran; kini usa ka relasyon ngadto sa Ginoo⁸. Gitawag kita aron pagsunod ngadto sa kahayag sa Ginoo.

Layo sa kadautan sa atong kaugalingong katumanan⁹, ang pagtuo sa Ginoo nagluwas kanato-nagluwas sa kahadlok, nagluwas para sa kinabuhi sa pagserbisyo sa gitugyan sa Ginoo kanato.^{10,10}

Ang nagkadakong pagsalig sa Ginoo nagatubo, nagkadako pud ang atong kasingkasing naglangkob sa tanang tawo bisan asa pa sa kalibutan, sa tanang kultura. Kasingkasing nga nahimong abli sa syintipiko ug mga teknolohiya nga nakaabag ug nakahapahimo ug progreso sa katilingban.

Sama sa adlaw, ang Ginoo naglamdag sa atoa aron magiyahan kita. Pero si Hesus nagtugot nga ang kahayag sa Ginoo magpatigbabaw. Ang kinatibuk-an sa Bibliya nagdala sa atoa ngadto sa pagsalig: ang higpit nga gahum sa Ginoo nisulod diha sa atong tawhanong riyalidad ug nisulti sa masabtang mga pulong.

Unsa ang kalahian sa kristiyanong pagtuo? Ang pagkatawo ni Hesus, ug ang buhing relasyon diha kaniya. Dili gayud kita moundang sa pagsabot niini.

SI KRISTO SA PAKIGLAMBIGIT

Kitang tanan nagalawig, nagpangita sa kamatuoran. Ang pagsalig ni Kristo wala magpasabot sa pag-angkon sa kamatuoran kon dili motugot nga magpahupot kaniya nga matuod ug magagiya kanato ngadto sa kinatibuk-ang pagkabutyag.

Unsa lamang ang kanunay nga magapabiling paghingalit nga bag-o mao nga si Hesus nagpadayag kanato sa iyang kahayag pinaagi sa yano nga kinabuhi.

Ang Diyosnong pagkinabuhi nakapahimo kaniya nga mas tawhanon.¹¹ Sa pagpadayag sa iyang kaugalingon diha sa kayanong tawhanong kinabuhi, ang Ginoo ningbag-o sa iyang pagsalig sa katawhan; iyang gihatag ang higayon aron kita mosalig usab sa katawhan. Sukad niini, dili na kita mawad-an sa paglaum bisan dinhi sa kalibutan o diha sa ato nga kaugalingon.

8 Sa daghang mga okasyon ang Santo Papa Benedito XVI nag padundak nga ang usa ka kinaugalingon nga pakigrelasyon ngadto sa Ginoo mao ang pundasyon sa pagtoo, sama pananglitan sa dihang siya nagsulat: “Ang pagka Kristyano dili resulta sa usa ka maayong pagpili o usa ka dungganan nga huna-huna, kun dili ang pagsugat sa usa ka panghitabo, usa ka tawo, nga naghatag sa kinabuhi ug usa ka bag-ong panglantaw ug usa ka desididong direksyon.” (Benedicto XVI, Ang Diyos Gugma, Pasiuna, n° 1)

9 Ang atong pagtuo nagkinahanglan ug makanunayong nga pagpalunsay sa mga panglantaw ug mga kahadlok, usahay pinaagi sa usa ka kaugalingong pakigbisog tunga sa pagduda ug pagsalig. Ang atong huna-huna nangilabot niining maong bugno ug dili kuntento sa usa ka simple nga pagtoon pinaagi sapagsabatsabat. Mao kana nganong daghan sa mga kabatanunan karon ang dili kuntento kung ibasi lamang sa mga tradisyon sa Simbahan; aron sa pagsugyot sa pagsalig sa pagtuo, gikinahanglan nila ang personal nga partisipasyon ug kaugalingon nga pagtuo.

10 Sama sa mga pulong ni Apostol Pablo, « bisan ako gawasnon ug walay nagnag-iyang kanako, gihimo nako nga sulugoon ang akong kaugalingon para sa tanan . » 1 Korinto 9 :19), Gisulat usab ni Martin Luther : « Ang Kristianos usa ka gawasnon nga tawo, ang agalun sa tanang butang ; wala siya gipanag-iyang ni bisan kinsa. Ang Kristiano usa ka sulugoon nga puno sa pagka masulundon ; siya alang sa tanan. » (Luther, Ang kagawasan sa usa ka Kristiano)

11 Si Hesus dili usa ka tawo nga naglikay sa tanang butang nga gibawal dinhi sa kalibutan. Naghimo siya ug mga milagro labi na ang pagpangayo, apang sa dihay higayon nga pwede unta siya nga maghunat aron pagpamatuod nga siya ang gipadala sa Ginoo, didto sa krus adunay kahilum sa Ginoo, kahilum nga nasayran sa tanang nag-antos ug iyang gitugot nga ipaambit. Lisod alang sa mga disipolos ang pagsabot nga si Hesus usa ka kabos nga Mesiyas. Siguro naglaum sila nga iyang bag-uhon ang kahimtang sa mga katawhan ug sa politikanhong bahin niini niadtong panahuna; wala nila mahuna-huna nga siya niari aron sa pagwagtag sa pinaka-ugat kasal-anan.

Sa pagdawat sa usa ka mabangis nga kamatayon apan wala pagsukli niini sa kasamok, si Hesus nagadala sa gugma sa Ginoo diha nga kasilag lamang ang masinati.¹² Dinha sa krus, nagdumili siya pagdawat sa kasagaran nga kinutuban sa panghitabo o fatalismo. Nagamahal siya hangtod sa kinatapusan bisan pa sa dili matukib nga kinaiya sa iyang pag-antos, nagpabilin siyang nagasalig nga ang Ginoo mas gamhanan pa sa daotan og ang kamatayon dili mao ang mobungat sa katapusang pulong. Ang balibato (paradox) niini mao nga ang iyang pag-antos sa krus mao ang timailhan sa iyang walay kinotuban nga gugma.¹³

Og ang Ginoo ningbanhaw kaniya gikan sa mga patay. Si Kristo wala lamang mahiapil sa kagahapon; anaa siya kanato sa matag bag-o nga adlaw. Nagpadayag siya sa Espiritu Santo, nga nagahimo kanato sa pagpuyo kauban mismo sa kinabuhi sa Ginoo.

Ang centro sa atong pagtuo mao ang Nabanhaw nga Kristo, ania sa atong taliwala, nga kinsa adunay personal nga hutay sa gugma sa matag-tawo. Sa atong pagtan-aw diha kaniya makapukaw sa kahingangha ug halawom nga panabot sa atong pagkatawo.

Kung molingi kita diha sa iyang kahayag nga mainampon, maghinayhinay kini sa pagsidlak sulod kanato. Ang misteryo ni Kristo mamahimong tanghaga sa atong kaugalingong kinabuhi. Ang atong mga pgsumpaki sa kinailawoman u gang mga kahadlok dili tingali mapapas. Apan ang Espiritu Santo, si Kristo mosulod gayod diin unsa ang atong mga kahingawa sa atong kaugalingon, aron ang suga magadan-ag sa mga mangitngit nga kabahin kanato.¹⁴

Nagagiya ang pag-ampo ngadto sa usa og susamang takna padulong sa Gino ug padulong sa kalibutan.

Sama kang Maria Magdalena nga kinsa diha a buntag sa Pasko sa Pagkabanhaw, nakakita sa buhi nga Kristo, kita gitawag sa pagpa-ambit niining maayong balita sa uban.¹⁵

Ang bokasyon o tawag sa simbahan mao ang pagtapok dinha sa kalinaw ni Kristo kababayenhan ug kalalakihan ug mga bata nga naglitok sa tanang pinulongan, sa tanang nasud, sa tibuok kalibutan. Ang simbahan mao ang timailhan nga ang Ebanghelyo naglitok sa kamatuoran; mao kini ang Lawas ni Kristo, nabuhi sa Espiritu Santo. Kini ang nakapahimo sa “Kristo sa pakiglambigit” nga dayag.¹⁶

Sa walay pagkapoy naminaw ang simbahan,¹⁷ ning-ayo ug nang-hiuli, namahimo kining hingpit sa iyang kasanag—usa ka komunyong sa gugma, kalooy, konsolasyon, usa ka tataw nga repleksyon sa Buhi nga Kristo. Nungka nahilayo, nungka pangdependensa, hawa sa tanang hulma sa kapig-ot, si Kristo mahatugot sa usa ka ubos nga pagsalig sa pagtuo mosilaw dinha sa atong kasingkasing.¹⁸

PANINGUHA NGA MAHIMONG “ASIN SA KALIBUTAN”

Ang Kristo sa pakiglambigit dili niahni arun bahinbahinon ang mga Kristiyano ug moporma ug laing

12 Sa dihang gipanamastamasan siya, wala siya mobalos pagpanamastamas; sa dihang nag-antos siya, wala siya manghulga, kun dili gituga niya ang iyang kaugalingon ngadto sa usa ka maayong maghuhukom. (1 Pedro 2:23)

13 Kung makigharong na kita sa dili matukib nga pag-antos sa mga inocente wala na kitay mahimo. Ang mga pangutana, naga-tiabaw sa paglanog sa tibuok kasaysayan nihilap sa atong kasingkasing: asa ang Ginoo? Wala kitay human nang daan nga tubag, apan maka-tugyan kita ngadto kang Kristo nga nagaparot sa kamatayon ug uban kanato sa atong pag-antos.

14 Ang pag-ampo, ang repleksyon sa kahayag n sa Ginoo mao man usab ang pagpaminaw. Diha sa mga kasulatan atong nasabtan nga ang Ginoo mismo ang nagasulti kanato ug usahay mao ang nangutana kanato. Ug usahay, para kanato si Kristo usahay usa ka uyamot nga nanginahanglan sa pagmahal ug nagpadayag. « nagatindog ako sa pultahan ug nanuktok.

15 Basaha ang Juan 20:1-18

16 Ang “Kristo sa pakiglambigit” usa ka ekspresyon ni Brother Roger. Susama niini, ang teologo nga taga Berlin, nga si Dietrich Bonhoeffer sa iyang pagkabatan-on, edad 21, nagapahayag “Kristong buhi isip comunidad” (Christ existing as community). Ginasulat niya nga “ diha kang Kristo ang katawhan nahiapil dinha sa pakiglambigit (comunyong) sa Ginoo.” (Bonhoeffer, *Sanctorum communio*)

17 Bisana sa simbahan, ang pagpangalagad sa pagpamati mamahimo nga pagabansayon sa mga lalaki ug babaye nga motahan sa ilang kaugalingon alang niini. Adunay mga laigo nga makahimo niining pagpamati nga mokomplemento sa usa ka pagpangalagad nga inordenahan.

18 Brother Roger, *Peace of Heart in All Things*.

katilingban gikan nila; gipadala niya sila arun mangalagad sa tanang katawhan isip usa ka patubo sa pagsalig ug kalinaw.¹⁹ Ang dayag nga pakiglambigit sa matag Kristiyano dili gayud kahumanan niini apan usa ka timaan sa katawhan: “Ikaw ang asin sa kalibotan.”²⁰

Pinaagi sa iyang krus ug pagkabanhaw si Kristo nagtukod ug bag-o nga pakighiusa sa tanang katawhan. Diha Kaniya ang pagkabahinbahin sa katawhan batok sa usa’g usa nagapi na; diha Kaniya tanan naporma isip usa ka pamilya.²¹ Ang panag-uli sa Ginoo nagada ug panag-uli sa sa tanang katawhan.²²

Apan kung ang asin mawad-an sa iyang kaalat... Mahimong maila nato nga kita mga Kristiyano usahay mobabag sa mensahe ni Kristo. Partikularmente, unsaon nato ang pagpadayag sa kalinaw kung magpabilin tang sukwahi sa matag usa.

Anaa na ta sa dapit sa kasaysayan nga gikinahanglan mobag-o nining mensahe sa gugma ug kalinaw. Mahimo ba’g buhaton nato kini tanan arun sa atong pagkagawas sa dili pagsinabtanay, mosidlak niinin ang tinuod nga pagkayano?²³

Sa tinguha nato nga mobuhat ug bag-o nga porma sa panaghiusa up pag-abli sa pamaagi sa pagsalig, naa, ug anaa gayud ang pagsulay. Usahay mura sila ug dipudipo na. Unsay angay nato nga buhaton? Dili ba ang atong pagtagad sa mga kaugalingong pagsulay, ug sa kadtong mga tawong nilahutay mohigugma pa ta ug kadaghan?

f. Alois

Mga umaabot nga bantawan sa lawig sa pagtuo sa kalibutan

Kauban ang usa ka grupo sa kabatan-onan gikan sa nagkalain-laing dapit sa kalibutan, si Bro. Alois moadto sa Geneva karong Marso 2, 2012 hantud sa iyang pagbisita sa *World Council of Churches*.

Ang ikatulong panagtigum sa mga kabatan-onan gikan sa nagkalain-laing dapit sa kalibutan sa Aprika pagahimuon sas Kigali, Rwanda gikan Nobyembre 14-18, 2012.

Ang ika-35 nga panagtigum sa mga kabatan-onan sa Europa mahitabo gikan Disyembre 28, 2012 hantud Enero 2, 2013.

Kauban ang mga *brothers* ug ang mga kabatan-onan sa nagkalain-laing kontinente, si Brother Alois moadto sa lungsod sa Istanbul, Enero 4-6, 2013, arun isaulog ang kapistahan sa Epipaniya kauban ang mga ekuminikal nga mga ansiyano sa lungsod sa Constantinople.

19 Bisan kini nga pangalagad nagkahulugan sa pag gamit sa lain nga pamaagi , kini gihimo labaw sa tanan sa usa ka matinahuron og matukuron nga diyologo inubanan sa nagkalain-laing kultura sa kalibutan ug sa nagkaiyang panahon sa kasaysayan. “Ang pangpatubo dili magpakita sa iyang kusog kung dili nimo ipaduol sa minasa nga harina, ug dili lang duol, kun dili isagol kauban sa minasa nga harina hangtod nga dili mo na makita ang kalainan kanila.” (Saint John Chrysostom, Homily 46 on Matthew)

20 Mateo 5:13

21 Si Kristo nag-ingon: “Sang ako mabanhaw sa mga minatay, akong tapukon ang tanang katawhan diri kanako” (Juan 12:32). Ug si apostol Pablo niingon: “Wala nay Judeo o Greego, ulipon o gawasnon, lalaki ug babae” (Galatia 3:28).

22 Basah ang Epeso 2:14-18. Giguba ni Kristo ang pader nga nag patunga taliwala sa mga tawo sa Ginoo ug sa uban; Ang tanan makaduol sa Ginoo. Ang panaghiusa dili pwede nga para lang sa usa ka pamilya o sa usa ka nasod; kini mokaylap lapaw pa sa kaugalingong interes.

23 Pananglit pinaagi sa pagpaambit sa pangutana sama sa: Unsa ang kahulugan sa akong kinabuhi? Unsa ang kinatibuk-ang tumong niining akong kinabuhi?

Mga mensahe nga nakuha sa Panagtigum sa Berlin: Tan-awa <http://taize.fr>

Sa 2015: Panagtigum alang sa Bag-ong Panaghiusa

Sa pagtabok sa sunod nga tulo'g tunga ka mga tuig, ang "lawig sa pagtuo sa kalibutan" mangita sa mga pamaagi kung unsaon pagtuman ang mga tema nining suwat alang sa bag-ong panaghiusa.

Usa ka bag-o nga panaghiusa kung hain dad-on tanan nga naglawig sa kalinaw, naglawig sa kamatuoran, diha sa mga nagtuo o dili nagtuo.

Tulo'g tunga ka mga tuig arun mapukaw ang mga kabatan-onan sa kada kontinente sa paggamit sa ilang mga enerhiya sa pagtigum sa ilang mga pagkahidlaw, pagtahap ug mga kasinatian .

2012 : Pag-abli sa mga pamaagi sa pagsalig sa tanang katawhan.

2013 : Pagtukas sa atabay sa pagsalig sa Ginoo.

2014 : Pagpangita sa makit-an nga pakiglambigit sa tanang nahigugma kay Kristo.

2015 : Pagkahimo isip usa ka "asin sa kalibutan"

Ug, arun mabalikan kining pagpangita ug arun makakuha sa bag-o nga buylo, karung Agosto 2015

Sa Taize, panagtigum sa bag-o nga panaghiusa

ang ika-75 nga anibersaryo sa *Taize Community*

ang ika-100 nga anibersaryo sa pagkakatawo ni Brother Roger

Arun sa mas daghang kabatan-onan nga possible mapaminawan pa, kini nga panagtapok giandam arun sa panagtigum sa matag kontinente.